

**Uunga siunnersuut: Unammilleqatigiinneq pillugu Inatsisartut Inatsisaata
allanngortinnissaa pillugu Inatsisartut inatsisaat nr. xx, xx. xxx 2020-meersoq**
(Inuussutissarsiornermut Aatsitassanullu Naalakkersuisoq)

Saqqummiussissut

(Inuussutissarsiornermut Aatsitassanullu Naalakkersuisoq)

Siullermeerinnineq

Matumuuna Naalakkersuisut sinnerlugit saqqummiutissavara uunga siunnersuut:
Unammilleqatigiinneq pillugu Inatsisartut Inatsisaata allanngortinnissaa pillugu Inatsisartut
inatsisissaat.

Nunatsinnit nioqqutissanik suliareqqitassanik soqutiginninnerup nassataraa nunat tamalaani
ingerlatseqatigiiffiit aamma nunatsinnit ingerlatseqatigiiffiit kattullutik suleqatigiinnerisa
nunatsinni niuerfimmik sunniisinnaanerit. Siunnersuutip ingerlatsinermit kaaviiartitat
taaguutaat allanngortippaa nunatta iluani namminermit taaguutaasumiit nunat tamalaat
akornanni ingerlatsinermit taaguutinngorlugu, ingerlatsisuni arlalinni minnerpaamik
suliffeqarfimmi peqataasuni ataaseq Kalaallit Nunaanneersussanngorlugu. Siunnersuut
saqqummiunneqarpoq kissaatigineqarmat maani nunatsinni niuerfiusumi nakkutilliineq
unammilleqatigiinnermit pissutsinik annertunerulersikkumallugu.

Niuerfiusumi pissutsinik nakkutilliineq suli annertunerulersikkumallugu Naalakkersuisut
pisariaqartippaat unioqqutitsinernik nalunaarutiginnittarnernik aqqissuussineq atuuttoq -
whistleblower-eqarneq pisariaqartumik inatsisitigut illersugaalissasoq. Unioqqutitsinernik
nalunaarutiginnittartut - whistlebloweres – saaffiginnissutaasa tamakkiisumik
isertuussassalersinnerisigut inuussutissarsiortut akiniaasinnaaneri pinngitsoortinneqassapput,
taamaaliornikkullu kimigiiserfigineqarsinnaassanatik inuussutissarsiortuniit suliffeqarfimmi
isornartut pissutsit pillugit ilisimatitsinnginnissamut. Aalajangersakkamik taamatut
eqqussineq unioqqutitsinernik nalunaarutiginnittarnernik aqqissuussinernik maanna
atuuttumik tunngaviusunik allannguuteqartitsissanngilaq, kisiannili nalunaarutiginnittup
kinaassutaata isertuunneqartussaamera inatsisikkut qularnaarneqassalluni.

Siunnersuummi allannguutit kinguneqarsinnaapput pineqaatissiissutissat annertusisariaqalernernik. Pinngitsoorumallugu suliassanik akitsorsaataasumik sivisuumik sularinnittoqartarnissaa, siunnersuummi allannguutit kingunerissavaat pisortat allaffissornikkut akiliisitsissutissamik suliqartalernissaat. Pisortat allaffissornikkut pineqaatissiissutitut akiliisitsissutissamik tunniussisinaanerat taamaallaat atorsinnaavoq unioqquitsinermi pisuusup nalorninaateqanngiffiini. Siunnersuut kinguneqassaaq sulianik ingerlatsinerit sunniuteqarluarnerusumik, qularnaarissallunilu sukkasuumik pisariitsumillu unammillernermi suliani pineqaatissiinikkut naammassinnittarnissanik.

Allannguutit nutaat taamaasillutik peqataassapput kalaallit pisortaasa oqartussaasut allaffissornikkut nakkutilliinermik naammassisaqarfiunerusumik ingerlatsisinnaalernissaannut:

- kattunnermi kaaviiartitanut tunngasumik taaguut nunap iluani pissutsinut tunngasumiit nunat tamalaat akornanni aaqqissuussinngussaaq.
- inatsisikkut qularnaarneqarpoq unioqquitsinernik nalunaarutiginnittarnernik aaqqissuussineq – whistleblower-eqarneq – tamakkiisumik kinaassutsimik isertuussilluni atortinneqassasoq.
- akitsuummik akiliutissamik akiligassiisoqartalissasoq suliani kia pisuuneranik nalornissuteqarfiunngitsuni.

Taamatut oqaaseqarluni siunnersuut Inatsisartunut inussiarnersumik suliassanngortippara.